



Ayat bacaan ayat 71-141. Ayat kefahaman ayat 141 Surah al-An'am.

وَهُوَ الَّذِي أَنشَأَ جَنَّاتٍ مَّعْرُوشَاتٍ وَغَيْرَ مَعْرُوشَاتٍ وَالنَّخْلَ وَالزَّرْعَ مُخْتَلِفًا أَكْلُهُ وَالزَّيْتُونَ
وَالرُّمَّاتِ مُتَشَبِهًا وَغَيْرَ مُتَشَبِهٍ كُلُوا مِن ثَمَرِهِ إِذَا أَثْمَرَ وَآتُوا حَقَّهُ يَوْمَ حَصَادِهِ
وَلَا تُسْرِفُوا إِنَّهُ لَا يُحِبُّ الْمُسْرِفِينَ ﴿١٤١﴾

2.1

PENGERTIAN AYAT

'Dialah (Allah) yang menjadikan tanaman yang (perlu) para-para dan yang tidak. Juga pohon-pohon tamar dan tanaman-tanaman yang berlainan rasa, buah-buah zaitun, delima yang serupa dan tidak serupa (rasanya). Makanlah kamu buahnya ketika ia berbuah dan keluarkanlah haknya (zakat) pada hari memetik hasilnya dan janganlah kamu berlebihan-lebihan kerana Allah tidak sukakan orang yang berlebih-lebihan'

(Surah al-An'am ayat 141)

2.2

LATAR BELAKANG AYAT

1. Golongan Musyrikin sering bercakap mengenai nikmat Allah s.w.t. dengan sesuka hati mengikut hawa nafsu.
2. Allah s.w.t. menampik tindakan mereka dengan menunjukkan tanda-tanda kebesaran dan kekuasaan Allah s.w.t. dan hikmah kejadian makhluk-Nya sebagai hujah untuk menolak sikap golongan Musyrikin.

2.3

INTISARI AYAT

1. Allah s.w.t. menjadikan kebun yang mengandungi tumbuh-tumbuhan dan pokok kayu yang beraneka jenis.
2. Semuanya ini untuk kegunaan manusia sama ada untuk dimakan atau untuk mengambil manfaat daripadanya.
3. Allah s.w.t. memerintahkan manusia supaya mengeluarkan zakat apabila mencukupi syarat-syaratnya dan dilarang sama sekali melakukan pembaziran.

2.4

HIKMAT PERTANIAN DAN FAEDAH TUMBUH-TUMBUHAN

1. Allah s.w.t. menjadikan alam dan segala isi kandungannya mempunyai hikmah tertentu. Hikmah tersebut ialah;

(a) Ketuhanan.

- (i) Menjadi bukti terhadap kewujudan, kebesaran dan kekuasaan Allah s.w.t.
- (ii) Memberi kesedaran kepada manusia tentang kewujudan sifat ketuhanan yang mencipta dan menumbuhkan tumbuhan.

(b) Kemanusiaan. *memberi bantuan*

- (i) Dapat membantu orang-orang yang memerlukan pertolongan melalui ibadat zakat dan sedekah.
- (ii) Mengindahkan pemandangan alam sekitar. *Membekalkan dengan air dan makanan*
- (iii) Menjadi sumber makanan kepada manusia dan makhluk yang bernyawa.

(c) Perekonomian.

- (i) Menambahkan sumber pendapatan diri, keluarga dan negara.
- (ii) Dapat membina kehidupan yang lebih selesa dan bahagia.
- (iii) Dapat mengusahakan pertanian secara komersial.

(d) Kesihatan.

- (i) Membekalkan zat untuk keperluan tumbuhan, binatang dan kesihatan tubuh badan.
- (ii) Membekalkan oksigen untuk pernafasan manusia dan haiwan.
- (iii) Mengawal kebersihan dan kesegaran udara dalam alam sekitar.

(e) Geografi. *membantu mengawal suhu bumi*

- (i) Dapat mengawal dan mengimbangi *mengelakkan banjir*

suhu bumi.

- (ii) Menyerap air hujan daripada bertakung yang menjadi sebab berlaku banjir kilat.
 - (iii) Menguatkan struktur tanah bagi mengelak tanah runtuh.
2. Berdasarkan kepentingan inilah, Islam amat menggalakkan umatnya bercucuk tanam. Sabda Rasulullah s.a.w.;

عَنْ أَنَسٍ رَضِيَ اللَّهُ عَنْهُ قَالَ، قَالَ رَسُولُ اللَّهِ ﷺ، إِنَّ قَامَتِ السَّاعَةُ وَفِي يَدِ أَحَدِكُمْ
فَسِيلَةٌ، فَإِنْ اسْتَطَاعَ أَنْ لَا تَقُومَ حَتَّى يَغْرِسَهَا فَلْيَغْرِسَهَا.

"Daripada Anas r.a. berkata, Rasulullah s.a.w. bersabda; "Sekiranya kiamat (hampir) berlaku, sedangkan di tangan kamu ada benih tanaman, maka sesiapa yang sempat menanam benih tersebut sebelum berlakunya kiamat, hendaklah dia menanamnya"

(Hadis riwayat Ahmad dan al-Bukhari)

2. Kepentingan sektor ini seperti berikut;
- (a) Dapat memenuhi tuntutan fardu kifayah.
 - (b) Menyediakan peluang pekerjaan untuk rakyat.
 - (c) Meningkatkan perkembangan teknologi pertanian seperti mereka cipta jentera pertanian moden.
 - (d) Menggalakkan kajian penggunaan hasil pertanian secara komersial seperti bahan bakar daripada sawit.

2.6

LANGKAH UNTUK MENINGKATKAN HASIL PERTANIAN

1. Oleh kerana sektor pertanian sangat penting kepada negara, maka sektor ini hendaklah ditingkatkan hasil pengeluarannya supaya dapat digunakan untuk tujuan komersial.
2. Langkah-langkah untuk meningkatkan hasil pertanian ialah;
 - (a) Menggunakan teknologi pertanian moden.
 - (b) Menggalakkan penyelidikan untuk menghasilkan benih dan baja yang berkualiti.
 - (c) Menambahkan keluasan tanah pertanian dengan menggunakan tanah yang terbiar.
 - (d) Mewujudkan mekanisme sistem pemasaran yang berdaya saing.
 - (e) Mengadakan kempen kesedaran tentang kepentingan bidang pertanian.
 - (f) Menggalakkan para belia menceburi bidang pertanian seperti membuka pusat latihan untuk melatih para belia.
 - (g) Menyediakan skim pinjaman pertanian kepada petani.
 - (h) Mewujudkan mata pelajaran yang berkaitan dengan bidang pertanian dalam kurikulum sekolah.

2.5

KEPENTINGAN SEKTOR PERTANIAN

1. Sektor pertanian merupakan satu kegiatan ekonomi yang penting dalam sesebuah negara. Sektor ini bukan sahaja membekalkan makanan kepada negara, malah dapat membekalkan tenaga kerja bagi mengelak daripada pengangguran.

2.7

KEWAJIPAN ZAKAT PERTANIAN DAN KEPENTINGANNYA

1. Seseorang yang mengusahakan pertanian, wajib mengeluarkan zakat daripada hasil pertanian apabila cukup syarat-syaratnya.
2. Hasil pertanian yang diwajibkan zakat ialah makanan ruji yang mengenyangkan sama ada daripada jenis bijian seperti beras, gandum, jagung dan kacang ataupun daripada jenis buah-buahan seperti tamar, zaitun, tin dan aprikot.
- *3. Kepentingan dan hikmah zakat ialah;
 - (a) Menambahkan keberkatan harta.
 - (b) Untuk membuktikan kesyukuran terhadap nikmat kurniaan Allah s.w.t.
 - (c) Dapat membantu golongan miskin.
 - (d) Dapat menghubungkan silaturrahim dan tali persaudaraan.
 - (e) Dapat menyumbang untuk pembangunan dan kemajuan umat Islam.

2.8

PENGAJARAN AYAT

1. Manusia akan menyedari kekuasaan dan kebijaksanaan Allah s.w.t. melalui pemerhatian terhadap kejadian pelbagai jenis tumbuh-tumbuhan dan pokok kayu yang hidup di muka bumi ini.
2. Tumbuh-tumbuhan yang terdiri daripada pelbagai jenis dapat memberi manfaat kepada manusia sama ada sebagai bahan makanan atau diambil manfaat daripadanya.
3. Umat Islam hendaklah mengeluarkan zakat dan bersedekah daripada hasil pertanian itu.
4. Perbuatan membazir dan kedekut merupakan suatu sifat yang tidak disukai oleh Allah s.w.t.

PENILAIAN

Jawab semua soalan berikut;

1. Sektor pertanian merupakan satu kegiatan ekonomi yang penting dalam sesebuah negara.
 - (a) Senaraikan kegunaan utama hasil pertanian.
 - (b) Huraikan hikmat pertanian kepada manusia.
2. Jelaskan hikmat Allah s.w.t. mengurniakan kepada manusia berbagai-bagai nikmat tumbuhan yang beraneka jenis.
3. Zakat adalah salah satu daripada rukun Islam.
 - (a) Terangkan bagaimanakah zakat dapat membantu memajukan ekonomi umat Islam?
 - (b) Mengapakah terdapat segolongan umat Islam enggan membayar zakat?

4. Bincangkan maksud potongan ayat berikut:

وَأَتُوا حَقَّهُ يَوْمَ حَصَادِهِ
وَلَا تُسْرِفُوا إِنَّهُ لَا يُحِبُّ الْمُسْرِفِينَ

5. Bagaimanakah bidang pertanian boleh menjadikan seseorang itu lebih gigih dan kreatif?
6. Boros merupakan suatu sifat yang dilarang oleh Islam.
Terangkan sebab-sebab Islam melarang umatnya bersifat boros.

JAWAPAN

1. (a) Kegunaan utama hasil pertanian;
 - (i) Menambahkan sumber pendapatan diri, keluarga dan negara.
 - (ii) Membekalkan makanan kepada manusia dan haiwan.
 - (iii) Membekalkan oksigen untuk pernafasan manusia dan haiwan.
 - (iv) Dapat memberi pertolongan kepada orang lain melalui sedekah dan zakat.
 - (v) Dapat membuktikan kebesaran dan kekuasaan Allah s.w.t.
- (b) Hikmat pertanian kepada manusia;
 - (i) Dapat membantu orang-orang yang memerlukan pertolongan melalui ibadat zakat dan sedekah.
 - (ii) Mengindahkan pemandangan alam sekitar.
 - (iii) Menjadi sumber makanan kepada manusia dan makhluk yang bernyawa.
2. Hikmat Allah s.w.t. mengurniakan kepada manusia nikmat tumbuhan yang beraneka jenis ialah;
 - (a) Dapat mengenali salah satu daripada bukti kekuasaan dan kebesaran Allah s.w.t.
 - (b) Memberi kesedaran kepada manusia tentang kewujudan sifat ketuhanan yang mencipta dan menumbuhkan tumbuhan.
 - (c) Memberi pengajaran kepada manusia bahawa setiap makhluk mempunyai proses kejadian yang tersendiri dan unik.
 - (d) Nikmat yang perlu disyukuri dengan bersedekah dan menghulurkan bantuan kepada orang yang memerlukan akan mengeratkan silaturrahim.
 - (e) Mempertingkatkan hasil pendapatan negara dan hasil ekonomi untuk membangunkan negara demi kesejahteraan umat.
 - (f) Meningkatkan usaha dan kajian penggunaan bahan-bahan pertanian dengan teknologi yang

canggih.

3. (a) Peranan zakat dapat membantu memajukan ekonomi umat Islam ialah;
 - (i) Membantu fakir miskin menyara hidup mereka.
 - (ii) Kutipan zakat yang dikumpulkan di Baitulmal dapat digunakan untuk pembangunan negara dan bantuan kepada pertubuhan-pertubuhan Islam.
 - (iii) Memberi modal yang lebih besar untuk bantuan perniagaan kepada peniaga-peniaga yang kekurangan modal.
 - (iv) Mendirikan rumah kebajikan seperti rumah anak yatim dan orang-orang tua.
 - (v) Membiayai perbelanjaan pendidikan kepada pelajar-pelajar yang tidak mampu.
 - (vi) Menyediakan prasarana dan kemudahan asas yang boleh mewujudkan peluang pekerjaan.
 - (vii) Mengeratkan ikatan persaudaraan dan perpaduan antara semua golongan dalam masyarakat.
 - (viii) Mengurangkan jurang perbezaan pendapatan antara orang miskin dan kaya.
- (b) Sebab-sebab terdapat segolongan umat Islam enggan membayar zakat ialah;
 - (i) Sifat tamak dan sayangkan harta serta pentingkan kemewahan diri sendiri.
 - (ii) Kurang penghayatan tentang kepentingan zakat dan menganggap zakat tidak penting.
 - (iii) Lemah iman terhadap Allah s.w.t.
 - (iv) Kurang pendedahan tentang kewajipan zakat.
 - (v) Tidak ada penguatkuasaan undang-undang membayar zakat.

4. Maksud potongan ayat tersebut ialah;

- (a) Apabila mendapat rezeki yang banyak dan melebihi keperluan hendaklah dikeluarkan sebahagian daripada harta tersebut untuk diberi kepada orang yang memerlukan.
 - (b) Sebarang perbelanjaan yang keterlaluan bermakna telah memakan hak orang lain.
 - (c) Sifat mementingkan diri sendiri tanpa menghiraukan hak orang lain adalah dibenci oleh Allah s.w.t.
5. Bidang pertanian boleh menjadikan seseorang itu lebih gigih dan kreatif melalui cara berikut;
- (a) Setiap muslim diwajibkan mengeluarkan zakat hasil daripada pertanian mereka. Oleh itu mereka mesti bekerja keras melaksanakan kewajipan tersebut.
 - (b) Berusaha meningkatkan produktiviti dengan menghasilkan barang-barang keperluan daripada hasil pertanian.
 - (c) Tenaga yang banyak dan usaha yang gigih menghasilkan ladang yang subur meningkatkan pengeluaran dan mencipta alat-alat moden dan canggih.
6. Islam melarang sifat boros kerana;
- (a) Sifat boros dan membazir hanya akan merugikan.
 - (b) Perbuatan tersebut adalah perbuatan syaitan.
 - (c) Sifat tercela yang merugikan negara.
 - (d) Berlaku inflasi dalam negara.
 - (e) Harga barang akan meningkat naik.
 - (f) Tidak ada simpanan wang untuk masa depan.